

**SWYDDFA COMISIYNYDD HEDDLU A THROSEDD GOGLEDD CYMRU****POLISI COSTAU TEITHIO A CHYNHALIAETH**

**Mae rôl Ymwelydd Dalfeydd Annibynnol yn gwbl wirfoddol. Fodd bynnag, bydd Swyddfa'r Comisiynydd Heddlu a Throsedd yn talu am unrhyw rai o'r mân dreuliau canlynol.**

**Costau Teithio**

Bydd y cyfraddau milltiroedd canlynol yn daladwy o 1 Ebrill 2017 ymlaen:

45 ceiniog pob milltir

Telir costau teithio am unrhyw bellter rydych yn ei deithio yn eich car o ganlyniad i'ch ymweliadau. Mae hyn yn cynnwys:

- Pellter o'ch tŷ i ddalfeydd yr heddlu
- Nôl eich cydweithiwr ar y ffordd i'r ddalfa, lle bo angen
- Mynychu cyfarfodydd y Panel
- Mynychu cyrsiau hyfforddi
- Mynychu digwyddiadau a chyfarfodydd eraill ar gais Gweinyddwr y Cynllun

Bydd y lwfans teithio yn cael ei addasu'n awtomatig yn unol ag argymellediadau CThEM a byddwn yn hysbysu'r Ymwelwyr Dalfeydd pan fydd y gyfradd yn codi.

Anogir Ymwelwyr Dalfeydd i deithio i ddalfeydd yr heddlu gyda'i gilydd lle bynnag y bo modd. Fodd bynnag, efallai na fydd hyn yn ymarferol bob tro.

Byddwch yn cael ad-daliad am unrhyw gyfarfodydd a chynadleddau y byddwch yn eu mynychu y tu allan i Ogledd Cymru ar ffurf tocyn trên dosbarth safonol. Pan fyddwch yn dewis eich dull o deithio i leoliad sydd y tu allan i Ogledd Cymru, dylech roi ystyriaeth ymlaen llaw i werth am arian a gwneud arbedion. (Os mai hedfan yw'r dewis mwyaf cost effeithiol ar gyfer unrhyw daith benodol, mae modd trefnu hyn trwy gysylltu â Swyddfa'r Comisiynydd Heddlu a Throsedd).

**Parcio**

Os bydd rhaid i chi dalu am parcio eich car mewn maes parcio tra byddwch yn ymweld â dalfa, fe gewch yr arian yn ôl gan Swyddfa'r Comisiynydd Heddlu a Throsedd. Rhaid atodi'r dderbynneb parcio berthnasol i'ch ffurflen hawlio treuliau er mwyn profi eich bod wedi parcio yno.

**Arall**

Mae modd i chi hawlio arian yn ôl pan fyddwch yn teithio ar fws neu drên **i ymweld â dalfa**. Fel gyda'r tocyn parcio, rhaid atodi'r dderbynneb neu'r tocyn i'ch ffurflen hawlio treuliau.

Gallwch hawlio ffioedd tacsï yn ôl pan fyddwch yn mynychu cynadleddau rhanbarthol yn unig. Bydd rhaid i chi atodi derbynneb ar gyfer pob siwrnai i'ch ffurflen hawlio treuliau.

## Llety

Yn y mwyafrif o achosion, Swyddfa'r Comisiynydd Heddlu a Throsedd ddylai archebu llety i chi (gwely a brecwast) a naill ai:

- ei dalu'n uniongyrchol ble bynnag y bydd hynny'n bosibl; **neu**
- ad-dalu'r gwir swm a wariwyd i chi

Ni fydd Swyddfa'r Comisiynydd Heddlu a Throsedd yn ad-dalu cost unrhyw fân eitemau/eitemau atodol fel papurau newydd, galwadau ffôn a diodydd. Dylai Ymwelwyr Dalfeydd dalu am y rhain o'u pocedi eu hunain cyn gadael.

Cynghorir unrhyw Ymwelydd Dalfeydd sydd eisiau trefnu ei lety ei hun i drafod y mater gyda Swyddfa'r Comisiynydd Heddlu a Throsedd.

## Cynhaliaeth

Ad-delir unrhyw gostau cynhaliaeth a ddaw i ran Ymwelwyr Dalfeydd pan fyddant yn mynychu cynadleddau a digwyddiadau eraill yn unol â'r cyfraddau canlynol a dylid eu hawlio'n ôl yn y modd arferol ar y ffurflen dreuliau:

Lwfansau Cynhaliaeth	Absenoldebau dros (mewn oriau)	a hyd at	Cyfradd £
<b>Diwrnod (Ni ddylid ei hawlio pan ddarperir pryd bwyd)</b>	<b>5</b>	<b>8</b>	<b>£8.73</b>
<b>Diwrnod (Tynnu £8.73 pan ddarperir pryd bwyd; ni ddylid ei hawlio pan ddarperir dau bryd bwyd)</b>	<b>8</b>	<b>12</b>	<b>£12.66</b>
<b>Diwrnod (cychwyn cyn 7.30am) (Tynnu £8.73 pan ddarperir pryd bwyd; tynnu £12.66 pan ddarperir dau bryd bwyd ac ni ddylid ei hawlio pan ddarperir tri phryd bwyd)</b>	<b>12</b>		<b>£20.85</b>
<b>Pryd Bwyd Gyda'r Nos Bydd Swyddfa'r Comisiynydd Heddlu a Throsedd yn ad-dalu cost pryd o fwyd gyda'r nos gwerth hyd at £12 os darperir derbynneb.</b>	<b>Aros dros nos</b>		

Ni thelir lwfans cynhaliaeth pan fyddwch yn mynychu cyfarfodydd y Panel neu gyrsiau hyfforddi lleol.

Bydd cyfraddau cynhaliaeth yn cael eu haddasu'n awtomatig yn unol ag unrhyw amrywiadau i gyfraddau'r Swyddogion a byddwn yn hysbysu'r Ymwelwyr Dalfeydd pan fydd y gyfradd yn codi.

**Nid oes raid dychwelyd ffurflenni treuliau ar ôl pob ymweliad, ond gofynnwn i chi eu hanfon atom yn rheolaidd, h.y. bob mis neu bob chwarter er mwyn ein helpu i fonitro'r gyllideb. Ar ôl llenwi'r ffurflen, dylech ei llofnodi a'i dyddio a'i hanfon yn ôl yn un o'r amlenni rhagdal a roddwyd i chi. Rhaid cynnwys derbynneb TAW gyda phob hawliad am lwfans teithio.**

**Os hoffech eglurhad pellach ar dalu treuliau, mae croeso i chi gysylltu â Gweinyddwr y Cynllun.**

**Ebrill 2017**